

Jan e lel yony em ek'awη

Ów ek'it eke wel k'uw any

Jan ek'el Jesu ec'erm es lel Efes e Sinyamel a ec'idr es ab a anake kok lel na am awη Nyamel nyam a. Nyamel a eke n'am awη lel na a, el Efes eci eb saw saw a e nyam. Jan am oc Nyamel ikη a bebmn yow gbél ab etη n'am ot omn esel a ek'anη em yogη a, li bebmn yow gbél nyam lel ow ec'ey ab. Na sosiem anake n'am esη ow Nyamel "ey lis" a. Nyamel a eke in Jan li b'im em a e lisijow el na eke n'am awη lel a.

N'am ibrm Nyamel a eke n'am awη lel a ec'agη a eke -li k'erurir el çfr, ke -l'wsu sos low yegm esel ayadηu e lís, ke -li k'ebmn agη amua etu eke wel b'ow el ogη yogη a.

Esηn

¹Em Nyamel ec'Esη Likpekρ, m'am awη Yow gbél lele in ec'ey ab[†] eke Nyam ssum ot, ke m'erur a lel. Etη ow elm em sony m'erur ony, kò el a feη ek'uw low nawre[†] ab any a yeji, ²low nawre ek'anη ey em, ke b'ow anη ey em godo godo feη a sosiem. ³Ke Nyam Es, lele Jesu Krist Es Iyη ec'owrò, sony ikη lele erm es ey ab, ánη ey ab nawre em lele erur em ab.

Esη lawl ec'erur

⁴Sos em am iηn'm nòwò eke m'ekn η ec'ey beb am an es low nawre em ese ol eke s'eb Es ogη ab af. ⁵Sica Yow gbél eke Nyam ssum oc, low eke m'am ibrm'η a el: s'erurir ey çfr. Ke na ow elm ol owr m'eny m'wòm'η, kò ow eke s'eb kpòkpò em etη ab ana. ⁶Etη erur a el: ke s'án es Nyam e sol ab af. Etη ol a el: ke kókr erur e low ese lele eke irir kpòkpò em etη ab af.

Low any uw esel ayadηu

⁷Ayadηu nòwò ow wus na af ek'égηm Jesu Krist ek'ow sos megl em a e low ebm. Esη eke bi kok ese el af a, l'el yadηu, l'el Krist ec'ifnu. ⁸Ósur sos gηη yec'etη ke k'írmnmn ony e juma eke kokr a eci labm sɔg, kò ke éjan

[†] ¹ Yow gbél lele in ec'ey ab: Grek em a Kiria ek'el Nyamel ec'agη a nimum. [†] ¹ low nawre: Jan e lel ab em, low nawre ke Amani Mamn ana.

ow ec'ob ap ligbel a. ⁹Ɛgɛɛ fɛɛ eke bi digɛɛ Krist eci low yegm a ɛlu es a, okrm af Nyam ab; kɔ ɛgɛɛ eke b'ucu low yegm na ɔny es a, l'okr af Ɛs lele Jim ab.

¹⁰Ek'ɛgɛɛ fɛɛ am ow ɔny ogɛɛ ɛtɛɛ l'isam low yegm na ab a, k'èbr ir k'elul il akɛɛ, k'òɛɛan in akpa bɔbɔ yeɛɛ; ¹¹ɛgɛɛ eke b'ɔɛɛ'n akpa a, ke ow e juma ɛɛɛɛ a anake in yeɛɛ n'am kok a.

Uwar em ec'odad

¹²M'ɔny ów nɔnɔ eke mi ki nɔn m'awɛɛ ɔny, kɔ m'erurm eke mi k'oc lel lele lel mij ab; gbekɔ m'am tutr eke mi k'ow m'ɛkn ɔny, ke si dád s'okarir yec'ɛtɛɛ ke ɛy e sos em iɛɛ a él tasi. ¹³Ɛsɛɛ jɔw[†] eke Nyam sɔsum oc a ec'ey a am ibrm'ɛɛ.

[†] **13** *Ɛsɛɛ jɔw* el Nyamel a eke Nyamel ec'Ɛgɛɛ Likpekpa a ek'am awɛɛ lel a anɛɛ em a ec'agɛɛ a.